

Na temelju tačke IV. Odluke o usvajanju Programa utroška sredstava s kriterijima raspodjele sredstava Tekućih transfera utvrđenih Budžetom Federacije Bosne i Hercegovine za 2015. godinu Federalnom ministarstvu razvoja, poduzetništva i obrta („Službene novine Federacije BiH“, broj 51/15), Odluke Vlade Federacije BiH o davanju saglasnosti Federalnom ministarstvu razvoja, poduzetništva i obrta za potpisivanje Memoranduma o razumijevanju između Razvojnog programa Ujedinjenih nacija i Švicarske agencije za razvoj i saradnju i Federalnog ministarstva razvoja, poduzetništva i obrta („Službene novine Federacije BiH“, broj 74/14) i člana 5. Pravilnika o postupcima u provođenju programa razvoja male privrede („Službene novine Federacije BiH“, br: 50/13, 55/13 isp. i 86/13), Federalno ministarstvo razvoja, poduzetništva i obrta raspisuje

JAVNI NATJEČAJ
za odabir korisnika Grant sheme „Unaprjeđenje poduzetničkih zona u
Federaciji BiH“

PREDMET NATJEČAJA

Federalno ministarstvo razvoja, poduzetništva i obrta raspisuje Javni natječaj za odabir korisnika Grant sheme „Unaprjeđenje poduzetničkih zona u Federaciji BiH“ u cilju podrške poboljšanju poslovne infrastrukture i realizaciji potencijala poduzetničkih zona u svrhu ekonomskog rasta i zapošljavanja na lokalnom nivou.

Sredstva iz Grant sheme će se usmjeriti na izgradnju nove i unaprjeđenje postojeće infrastrukture u okviru poduzetničkih zona u Federaciji BiH kao preduvjeta za ekonomski rast i zapošljavanje na lokalnom nivou u Federaciji BiH. Ulaganja u infrastrukturu će imati za cilj poboljšanje pristupa, kapaciteta, kvaliteta i atraktivnosti postojećih poduzetničkih zona na lokalnom/regionalnom nivou. Ova ulaganja će se kombinirati sa podrškom pratećim uslugama razvoju poduzetništva, kao faktora za ekonomski rast na lokalnom nivou te jačanjem kapaciteta za upravljanje poduzetničkim zonama, kako bi se kreiralo bolje okruženje za djelovanje malih i srednjih poduzeća (MSP). Osnovni ciljevi Grant sheme su:

- Izgradnja komunalne infrastrukture, tamo gdje nedostatak iste predstavlja prepreku razvoju poduzetništva;
- Unaprjeđenje usluga za razvoj poduzetništva kao faktora za ekonomski rast na lokalnom nivou.

KORISNICI SREDSTAVA

Korisnici sredstava Grant sheme mogu biti **jedinice lokalne samouprave u Federaciji BiH**, samostalno ili u partnerstvu sa drugim (susjednim) jedinicama lokalne samouprave, drugim javnim ustanovama, privatnim ili nevladinim sektorom.

VRIJEDNOST POJEDINAČNIH PROJEKATA

Finansijski doprinos Grant sheme po pojedinačnom projektu s kojim se aplicira ne može biti niži od 75.000 KM niti viši od 150.000 KM. Sufinansiranje od strane jedinice lokalne samouprave koja aplicira za bespovratna sredstva iz Grant sheme je minimalno 20 % od ukupne vrijednosti projekta, koja moraju biti osigurana iz vlastitih ili drugih izvora finansiranja u vrijeme podnošenja projektnog prijedloga.

Ukupno trajanje projekta ne može prelaziti 9 mjeseci od početka njegove realizacije, a realizacija projekta mora biti okončana do kraja septembra 2016. godine.

NAČIN PODNOŠENJE PROJEKTNIH PRIJEDLOGA

Podnosioci projektnih prijedloga pripremaju svoje projektne prijedloge **u skladu sa Smjernicama za podnosiocje projektnih prijedloga**, koje su dostupne na internet stranici Federalnog ministarstva razvoja, poduzetništva i obrta: Grant shema „Unaprjeđenje poduzetničkih zona u Federaciji BiH.“ - www.fmrpo.gov.ba.

Popunjen obrazac projektnog prijedloga i prateću dokumentaciju potrebno je dostaviti **u jednom originalnom primjerku** u A4 formatu i uvezane **te jedan elektronski primjerak** snimljen na CD-u.

Aplikacioni paket dostupan je na internet stranici Federalnog ministarstva razvoja, poduzetništva i obrta: Grant shema „Unaprjeđenje poduzetničkih zona u Federaciji BiH“ www.fmrpo.gov.ba.

Krajnji rok za podnošenje projektnih prijedloga je 15.09.2015. Projektni prijedlog podnesen nakon isteka roka se neće uzeti u razmatranje.

Prijave moraju biti dostavljene u zatvorenoj koverti preporučenom poštom na slijedeću adresu:

**Federalno ministarstvo razvoja, poduzetništva i obrta
Ulica Ante Starčevića b.b. (Hotel "ERO")
88 000 Mostar**

sa naznakom:

**Ne otvarati – po Javnom natječaju za odabir korisnika Grant sheme
„Unaprjeđenje poduzetničkih zona u Federaciji BiH“**

Na poleđini koverta obvezno navesti:

- **Naziv jedinice lokalne samouprave;**
- **adresu i kontakt telefon:**
- **ovjeriti pečatom.**

EVALUACIJA I ODABIR PROJEKTNIH PRIJEDLOGA

Evaluacija i odabir dostavljenih projektnih prijedloga biće izvršeni u skladu sa kriterijima i procedurom koji su utvrđeni Smjernicama za podnosiocje projektnih prijedloga.

Svi podnosioci projektnih prijedloga će biti pismeno obaviješteni o rezultatima Javnog natječaja.

DODATNE INFORMACIJE ZA PODNOSIOCE PROJEKTNIH PRIJEDLOGA

*Sva dodatna pitanja u vezi ovog Javnog natječaja se mogu dostaviti putem elektronske pošte, najkasnije u roku od **7 dana** prije isteka roka za podnošenje projektnog prijedloga, sa jasno naznačenim imenom Javnog natječaja u predmetu poruke, i to na slijedeću e-mail adresu: javnost@fmrpo.gov.ba.*

Svi odgovori na pitanja koja mogu biti relevantna i za ostale podnosiocje projektnih prijedloga, redovno će se objavljivati na web stranici Federalnog ministarstva razvoja, poduzetništva i obrta: www.fmrpo.gov.ba.